



## **GRADSKO VIJEĆE**

Na osnovu člana 15. stav (1) alineja (2) a u vezi sa članom 31. stav (1) i stav (2) Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09), člana 83. stav (3) Statuta Grada Gradačac („Službeni glasnik Grada Gradačac“, broj 10/22) i Budžeta Grada Gradačac za 2023.godinu („Službeni glasnik Grada Gradačac“, broj 11/22), Gradsko vijeće Gradačac na \_\_\_\_\_sjednici održanoj dana \_\_\_\_\_ 2023.godine, d o n o s i

### **ODLUKU O NAČINU I KRITERIJIMA RASPODJELE SREDSTAVA ZA FINANSIRANJE RADA ORGANA MJESNIH ZAJEDNICA**

#### **Član 1.**

Ovom Odlukom se utvrđuju način, kriterij i raspodjela sredstava za funkcionisanje mjesnih zajednica iz sredstava planiranih budžetom Grada Gradačac.

#### **Član 2.**

Gradonačelnik putem nadležne Službe za opću upravu, društvene djelatnosti, boračko - invalidsku i socijalnu zaštitu (u daljem tekstu: Služba) obezbjeđuje finansiranje redovnih djelatnosti organa mjesnih zajednica kao učešće u finansiranju dijela poslova predviđenih programom rada mjesnih zajednica.

#### **Član 3.**

U finansiranju programskih aktivnosti mjesne zajednice, osim sredstava planiranih Budžetom Grada osiguravaju i druge prihode za obavljanje svojih poslova, kako slijedi:

- putem sredstava samodoprinosu;
- sredstava za usluge koje svojim aktivnostima ostvari;
- sredstava od imovine i imovinskih prava;
- sredstava od pomoći, poklona pravnih i fizičkih lica;
- i drugih sredstava.

#### **Član 4.**

Kriterij za finansiranje rada organa mjesnih zajednica su broj stanovnika u mjesnoj zajednici i uslovi za rad organa mjesnih zajednica.

#### **Član 5.**

Na osnovu evidentiranog broja stanovnika mjesne zajednice se raspoređuju šest grupa:

- u prvu grupu spadaju mjesne zajednice do 400 stanovnika,
- u drugu grupu spadaju mjesne zajednice od 401 do 700 stanovnika,
- u treću grupu spadaju mjesne zajednice od 701 do 1000 stanovnika,
- u četvrtu grupu spadaju mjesne zajednice od 1001 do 1400 stanovnika,
- u petu grupu spadaju mjesne zajednice od 1401 do 2500 stanovnika,
- u šestu grupu spadaju mjesne zajednice preko 2500 stanovnika.

### **Član 6.**

Obaveze koje preuzimaju mjesne zajednice regulisane su Statutom Grada Gradačac i Statutom mjesne zajednice uz mogućnost dodatnog prenošenja dijela obaveza iz nadležnosti Grada na mjesne zajednice.

### **Član 7.**

Pravo na ostvarivanje sredstava planiranih budžetom Grada imaju mjesne zajednice sa područja Grada Gradačac koje su u skladu sa Statutom Grada osnovane od strane Gradskog vijeća, koje su dostavile izvještaj o radu za prethodnu godinu i koje su dostavile programe rada sa finansijskim planom za tekuću godinu.

### **Član 8.**

Finansiranje mjesnih zajednica vršit će se na osnovu podnesenog zahtjeva od strane ovlaštenog lica koji treba da sadrži:

- akt o imenovanju Vijeća mjesne zajednice,
- izvještaj o namjenskom utrošku prethodno dodijeljenih sredstava iz budžeta Grada,
- program rada sa finansijskim planom za tekuću godinu.

Mjesne zajednice su dužne voditi finansijsko knjigovodstvo i izvještavanje o finansijskom poslovanju putem knjigovodstvenog servisa.

Grad Gradačac će u skladu sa utvrđenim kriterijima i uslovima iz ove odluke utvrditi Program raspodjele sredstava za finansiranje mjesnih zajednica u tekućoj fiskalnoj godini a sredstva odobravati u skladu sa Programom putem pojedinačnih odluka koje donosi Gradonačelnik zavisno od raspoloživih sredstava.

### **Član 9.**

Nakon podnesenog zahtjeva sa urednom dokumentacijom Gradonačelnik će na prijedlog nadležne Službe donijeti Odluku kojom će se odobriti sredstva za finansiranje rada mjesne zajednice.

### **Član 10.**

Gradonačelnik je ovlašten da obustavi raspodjelu sredstava u slučaju da organi mjesne zajednice:

- nezakonito rade i donose odluke koje nisu u skladu sa važećim propisima,
- ne troše sredstva u skladu sa namjenom i zakonskim propisima,
- ne izvršavaju obaveze koje su im delegirane,
- ne provode odluke, rješenja i zaključke Gradskog vijeća, Gradonačelnika i Gradskih službi,
- ne rade i ne održavaju obavezne sastanke,
- ne dostavljaju službi izvještaje sa kopijom dokumentacije, godišnje izvještaje o radu i finansijske izvještaje usvojene od ovlaštenih organa mjesne zajednice,
- bez opravdanja ne prisustvuju pozivanim javnim raspravama, sastancima i edukacijama.

### **Član 11.**

Ukoliko mjesna zajednica ne podnese izvještaj o utrošku dodijeljenih finansijskih sredstava iz budžeta Grada do kraja godine a najduže do 31. marta tekuće godine, neće joj biti dodijeljena sredstva za narednu godinu.

### **Član 12.**

Ova odluka stupa na snagu osmog dana od dana objavljivanja u „Službenom glasniku Grada Gradačac“

Broj: /23  
Gradačac, .2023.godine

Predsjedavajući Gradskog vijeća  
Mustafa H.Ađulović

## OBRAZLOŽENJE

### PRAVNI OSNOV

Pravni osnov za donošenje ove Odluke sadržan je u članu 83. stav (3) Statuta Grada Gradačac („Službeni glasnik Grada Gradačac“, broj 10/22) u kojem je predviđeno da će Gradsko vijeće posebnom odlukom utvrditi kriterije i ukupnu visinu sredstava u budžetu Grada za rad i funkcionisanje mjesnih zajednica kao i kriterije za podjelu tih sredstava na mjesne zajednice te način i uvjete korištenja tih sredstava.

### OBRAZLOŽENJE ODLUKE

Gradsko vijeće Gradačac je na 26. redovnoj sjednici održanoj 27.06.2023.godine donijelo zaključak kojim se nalaže nadležnoj Gradskoj službi da za septembarsku sjednicu Gradskog vijeća pripremi Odluku o kriterijima i visini sredstava u budžetu Grada Gradačac za funkcionisanje mjesnih zajednica, kojim će biti definisani kriteriji za dodjelu sredstava, te način i uvjeti njihovog korištenja shodno odredbama člana 83. stav (3) Statuta Grada Gradačac.

U skladu sa prethodno navedenim predlažemo Gradskom vijeću da razmotri Nacrt odluke o kriterijima i visini sredstava u budžetu Grada Gradačac za funkcionisanje mjesnih zajednica.

Obrađivač:

Gradska služba za opću upravu, društvene djelatnosti,  
boračko-invalidsku i socijalnu zaštitu